

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE



Broj: 01-108/25  
Vareš, 29.04. 2025. godine

**Z A P I S N I K**  
*sa 5. sjednice Općinskog vijeća Vareš,  
održane 27.03. 2025. godine*

Predsjedavajući OV pozdravio je sve prisutne.

**Prisutni vijećnici:** Amela Mešić, Asim Balta, Asmir Čizmo, Dario Dodik, Denis Kovačević, Dževad Mahmutović, Edin Ibrišimović, Igor Šimić, Irma Rožajac, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović, Zdenko Franjić i Zdravko Barkić.

**Odsutni:** Igor Hinger.

Malik Rizvanović, predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 5. sjednicu s početkom u 14.00 sati u velikoj sali Općine Vareš.

Pored vijećnika sjednici prisustvuju: Mersad Đido, sekretar OV; pomoćnici načelnika: Ermin Musa i Ibrahim Spahić, Rusmir Berberović, rukovodilac JURA; Velida Džafo ispred Službe za prostorno uređenje; Mirza Fatić i Dragan Orozović ispred Službe za privredu, finansije i trezor i predstavnici medija.

Mersad Đido, sekretar OV izvijestio je prisutne da je na 4. sjednici OV održanoj 28.02. 2025. godine, Vijeće donijelo jedan (1) zaključak koji je realizovan. Postavljeno je jedno (1) dopunsko pitanje na koje je dat odgovor. Postavljeno je trinaest (13) vijećničkih pitanja, na deset (10) pitanja dat je odgovor pisanim putem, dva (2) pitanja su proslijeđena nadležnim preduzećima i na jedno (1) pitanje nije dat odgovor.

***(Izjašnjavanje vijećnika o dobivenom odgovoru)***

**Dario Dodik**

U vezi odgovora na pitanje broj 8 i 9 sa 4. sjednice Općinskog vijeća Vareš, postavio je dopunska pitanja:

- Na koji će način Općina izvršiti povrat naplaćenih taksi?

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba

- Da li je već zaključen ugovor za rekonstrukciju ul. Novakovići i ako jeste sa kojim izvođačem? Da li je to ugovor o kojem je bilo riječi od strane Načelnika od prije dvije godine i kada se može očekivati sanacija?

*(Vijećnička pitanja i Inicijative)*

**Dario Dodik**

1. Da li je planirana sadnja novih stabala na mjestima u parkovima i ulicama gdje su posječena stara stabla? Sugerirao je da se nadležni posavjetuju sa nekim iz struke, da se odaberu stabla koja neće poslije određenog vremena stvarati probleme.
2. Šta je planirano od ulaganja u infrastrukturu u ovoj godini i da li su već zaključeni ugovori za neke od projekata? Ako jeste, koji projekti imaju zaključene ugovore i kada se očekuje realizacija?

**Nermin Hrvat**

3. Pitanje je u vezi sanacije potpornog zida na lokalitetu MZ Dabravine u naselju Luke. Na ovom lokalitetu je došlo do podrijevanja lokalnog puta I kategorije od rijeke Žahlje te je potrebno izvršiti sanaciju kako ne bi došlo do prekida putne komunikacije za ostale podružnice i MZ Kadarići. Pitanje upućeno nadležnoj općinskoj službi.

**Denis Kovačević**

4. Sa kime se konsultuje služba kada se radi o uređenju pejzaž arhitekture odnosno o uređenju naših parkova?

**Nikola Šimić**

5. Pitanje se odnosi na problematiku u vezi infrastrukture u gradu, sanaciju ulica, sanaciju beničkog mosta. Kada se planira sanacija ulica i beničkog mosta? Da li je potpisan ugovor? Šta je sa ulicom Nikovac (jedina makadamska ulica u gradu)?
6. Pitanje se odnosi na infrastrukturu za lokalne ceste. Teška zima iz nas ostavila nam je teško stanje na lokalnim cestama. Služba bi trebala izaći na teren, utvrditi prioritete i da se što prije krene u sanaciju.

**Zdravko Barkić**

7. Pitanje je vezano sa sanaciju puta Semizova Ponikva. Došlo je do osipanja materijala usljed presijecanja puta za potrebe rudnika. Ne znam u čijoj je nadležnosti, Općinski organ treba da krene u rješavanje ovih problema, da sanira ili da traže od rudnika da oni saniraju.

**Inicijative**

**Edin Ibrišimović**

1. Inicijativa za pokretanje procedure za izmjene i dopune Odluke o subvencioniranju mjesečne karte učenika vozara MSŠ „Nordbat-2“ Vareš sa područja općine Vareš broj 01-14/21 od 14.01. 2021. godine. Da sufinansiranje za učenike vozače bude 80% - 100%.

## **Zdravko Barkić**

2. Inicijativa o pokretanju procedure za povećanje koncesije za eksploataciju rude. Mislim da općinska izvršna vlast treba biti upornija i insistirati za povećanje, tražiti sastanak sa predstavnicima rudnika, jer ova koncesija koja je trenutno na snazi je sramotno niska. Ogromna je vrijednost rude, mislim da koncesija ne iznosi niti 1% od vrijednosti rude. (Inicijativa podnesena usmenim putem)

Predsjedavajući OV izvijestio je Vijeće da je prisustvovao sastanku u Vladi Zeničko-dobojskog kantona, gdje je dogovoreno da se od mjeseca maja kreće u formiranje Komisije gdje će se početi sa radom u vezi povećanja koncesije. Postoji Inicijativa od prošlog saziva Vijeća i na osnovu te Inicijative se kreće u dogovore u vezi povećanja. Pratit ćemo aktivnosti u vezi sa navedenim i raditi na tome da bude što brže realizovano.

## **Malik Rizvanović**

3. Da nadležna Općinska služba uputi dopis Ministarstvu za prostorno uređenje, promet i komunikacije ZDK i Direkciji za ceste ZDK, kako bi se pokrenula inicijativa za postavljanje saobraćajnog ogledala na raskrsnici regionalnog puta R-444 i naselja Luke, Pomenići, Kadarići. (Inicijativa podnesena pisanim putem)

Predsjedavajući OV stavio je na raspravu Zapisnik sa 4. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 4. sjednice OV i nakon izjašnjavanja vijećnika konstatuje da je **sa 18 glasova „ZA“ usvojen Zapisnik sa 4. sjednice OV.**

Predsjedavajući OV stavio je na raspravu prijedlog dnevnog reda 5. sjednice OV koji je usaglašen na Kolegiju Općinskog vijeća.

Nije bilo učesnika i predsjedavajući OV stavio je na izjašnjavanje prijedlog dnevnog reda **5. sjednice OV** i nakon izjašnjavanja vijećnika konstatuje da je **sa 18 glasova „ZA“ usvojen sljedeći**

### ***Dnevni red***

1. Izvještaj/izvješće o izvršenju budžeta/proračuna Općine Vareš za period januar/siječanj – decembar/prosinac 2024. godine.  
Izjestilac: Općinski načelnik
2. Izvještaj o radu Jedinstvenog općinskog organa uprave Općine Vareš i Općinskog načelnika za 2024. godinu.  
Izjestilac: Općinski načelnik
3. Program poticaja u poljoprivrednoj proizvodnji utvrđenih budžetom Općine Vareš za 2025. godinu.  
Izjestilac: Dragan Orozović
4. Prijedlog Odluke o pristupanju izradi Urbanističkog plana Vareša za period 2025-2045. godinu.  
Izjestilac: Ermin Musa

5. Prijedlog Odluke o prodaji nekretnine neposrednom pogodbom radi oblikovanja građevinske čestice.  
Izvestilac: Ermin Musa
6. Prijedlog Odluke o načinu i uslovima raspolaganja nekretninama u vlasništvu Općine Vareš.  
Izvestilac: Ermin Musa
7. Nacrt Odluke o mjesnim vodovodima na području općine Vareš.  
Izvestilac: Velida Džafo
8. Izvještaj o rješavanju upravnih stvari u upravnom postupku svih općinskih službi za upravu u 2024. godini.  
Izvestilac: Rusmir Berberović
9. Izvještaj o realizaciji Odluke općinskog fonda za vatrogastvo u 2024. godini.  
Izvestilac: Ibrahim Spahić
10. Informacija o stanju opremljenosti Profesionalne vatrogasne jedinice Općine Vareš i DVD na području općine Vareš.  
Izvestilac: Ibrahim Spahić
11. Informacija o ostvarenoj saradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.  
Izvestilac: Rusmir Berberović
12. Tekuća pitanja

#### **Ad. 1.**

#### **(Izvještaj/izvješće o izvršenju budžeta/proračuna Općine Vareš za period januar/siječanj – decembar/prosinac 2024. godine)**

Komisija za privredu, finansije i budžet na 1. sjednici održanoj 24.03. 2025. godine sa 2 glasa „ZA“ i 1 „SUZDRŽANIM“ glasom nije usvojila sljedeći Zaključak:

- Komisija prihvata Izvještaj/Izvješće o izvršenju budžeta/proračuna Općine Vareš za period januar/siječanj – decembar/prosinac 2024. godine i isti upućuje Vijeću na razmatranje i usvajanje.

Ispred ovlaštenog predlagача Mirza Fatić dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*iznio je mišljenje o povećanju pojedinih obaveza i dugovanjima Općine za određene projekte i sugerisao da se namjenska sredstva ne troše nenamjenski*), Zdravko Barkić (*mišljenja je da se budžetska sredstva troše nesavjesno i neplanski, o istom je dao pojašnjenje*), Dario Dodik (*replika*), predsjedavajući OV Malik Rizvanović (*replika*) i Dario Dodik (*replika*).

Zaključena je rasprava i predsjedavajući OV je stavio na izjašnjavanje Izvještaj/izvješće o izvršenju budžeta/proračuna Općine Vareš za period januar/siječanj – decembar/prosinac 2024. godine.

Nakon izjašnjavanja vijećnika predsjedavajući OV konstatuje da sa **9 glasova „ZA“, 3 glasa „PROTIV“ i 6 „SUZDRŽANIH“ glasova nije usvojen**

*Izveštaj/izvješće o izvršenju budžeta/proračuna Općine Vareš  
za period januar/siječanj – decembar/prosinac 2024. godine.*

**Ad. 2.**

*(Izveštaj o radu Jedininstvenog općinskog organa uprave  
Općine Vareš i Općinskog načelnika za 2024. godinu)*

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdravko Barkić (*izjavio je da je Služba za prostorno uređenje dostavila detaljan izvještaj i sugeriše da i ostale službe dostavljaju detaljnije izvještaje, o istom je dao pojašnjenje*) i Dario Dodik (*uz pojašnjenje skrenuo je pažnju na načela rada organa uprave*).

Zaključena je rasprava i predsjedavajući OV stavio je na izjašnjavanje Izveštaj o radu Jedininstvenog općinskog organa uprave Općine Vareš i Općinskog načelnika za 2024. godinu.

Nakon izjašnjavanja vijećnika, predsjedavajući OV konstatuje da je sa **10 glasova „ZA“, 3 glasa „PROTIV“ i 5 „SUZDRŽANIH“ glasova usvojen**

*Izveštaj o radu Jedininstvenog općinskog organa uprave  
Općine Vareš i Općinskog načelnika za 2024. godinu*

**Ad. 3.**

*(Program poticaja u poljoprivrednoj proizvodnji  
utvrđenih budžetom Općine Vareš za 2025. godinu)*

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nermin Hrvat (*predložio je da su u tački 4. „Zasnivanje novih zasada voća (visokostablašica)“ navedu i plantaže jagodičastog voća - jagode, kupine maline, borovnice*), Zdravko Barkić (*postavio pitanje da li je Program urađen da bi se sredstva prilagodila svim zainteresiranim na području općine Vareš, mišljenja je da Program treba sadržavati neke statističke podatke po pitanju registriranih poljoprivrednih gazdinstava*) i Dario Dodik (*pozvao sve stanovnike koji se bave poljoprivrednom proizvodnjom da se prijave*).

Zaključena je rasprava i predsjedavajući OV stavio je na izjašnjavanje Program poticaja poljoprivrednoj proizvodnji utvrđenih budžetom Općine Vareš za 2025. godinu.

Nakon izjašnjavanja vijećnika, predsjedavajući OV konstatuje da je sa **17 glasova „ZA“ (odsutan vijećnik Asmir Čizmo) usvojen**

*Program poticaja u poljoprivrednoj proizvodnji  
utvrđenih budžetom Općine Vareš za 2025. godinu*

**Ad. 4.**  
**(Prijedlog Odluke o pristupanju izradi Urbanističkog  
plana Vareša za period 2025–2045. godinu)**

Komisija za statutarne pitanja i propise je na 3. sjednici održanoj 20.03. 2025. godine donijela sljedeći Zaključak:

- Komisija u dostavljenoj formi upućuje Vijeću na razmatranje i usvajanje Prijedlog Odluke o pristupanju izradi Urbanističkog plana Vareša za period 2025–2045. godinu.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o pristupanju izradi Urbanističkog plana Vareša za period 2025–2045. godinu.

Nakon izjašnjavanja vijećnika, predsjedavajući OV konstatuje da je **sa 17 glasova „ZA“** (odsutan vijećnik Asmir Čizmo) **usvojena**

**Odluka o pristupanju izradi Urbanističkog  
plana Vareša za period 2025–2045. godinu**

Zamjenica predsjedavajućeg OV Irma Rožajac nastavila je vođenje sjednice.

**Ad. 5.**  
**(Prijedlog Odluke o prodaji nekretnine neposrednom  
pogodbom radi oblikovanja građevinske čestice)**

Komisija za statutarne pitanja i propise je na 3. sjednici održanoj 20.03. 2025. godine jednoglasno donijela sljedeći Zaključak:

- Komisija nema primjedbi na Prijedlog Odluke o prodaji nekretnine neposrednom pogodbom radi oblikovanja građevinske čestice i isti upućuje Vijeću na razmatranje i usvajanje.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i zamjenica predsjedavajućeg OV stavila je na izjašnjavanje Prijedlog Odluke o prodaji nekretnine neposrednom pogodbom radi oblikovanja građevinske čestice.

Nakon izjašnjavanja vijećnika, zamjenica predsjedavajućeg OV konstatuje da je **sa 16 glasova „ZA“** (odsutni vijećnici Asmir Čizmo i Malik Rizvanović) **usvojena**

**Odluka o prodaji nekretnine neposrednom  
pogodbom radi oblikovanja građevinske čestice**

Predsjedavajući OV nastavio je vođenje sjednice.

**Ad. 6.**  
**(Prijedlog Odluke o načinu i uslovima**  
**raspolaganja nekretninama u vlasništvu Općine Vareš.**

Komisija za statutarna pitanja i propise je na 3. sjednici održanoj 20.03. 2025. godine jednoglasno donijela sljedeći Zaključak:

- Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš i isti upućuje Vijeću na razmatranje i usvajanje.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave i predsjedavajući OV stavio je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš.

Nakon izjašnjavanja vijećnika predsjedavajući OV konstatuje da je sa **17 glasova "ZA"** (odsutan vijećnik Edin Ibrišimović) **usvojena**

**Odluka o načinu i uslovima raspolaganja**  
**nekretninama u vlasništvu Općine Vareš**

**Ad. 7.**  
**(Nacrt Odluke o mjesnim vodovodima na području općine Vareš)**

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV predložio je i stavio na izjašnjavanje sljedeći

**Zaključak:**

1. **PRIHVATA SE** Nacrt Odluke o mjesnim vodovodima na području općine Vareš.
2. Nacrt Odluke o mjesnim vodovodima na području općine Vareš, iz tačke 1. ovog Zaključka upućuje se na javnu raspravu u trajanju od 30 dana.
3. Zadužuje se Općinski načelnik i nadležna služba da provedu javnu raspravu u skladu sa aktima OV i sačine Prijedlog i isti dostave Vijeću na razmatranje i usvajanje.
4. Sastavni dio prijedloga bit će i Izvještaj o provedenoj raspravi.
5. Ovaj Zaključak stupa na snagu danom donošenja.

Nakon izjašnjavanja vijećnika, predsjedavajući OV konstatuje da je sa **17 glasova "ZA"** (odsutan vijećnik Edin Ibrišimović) **usvojen predloženi Zaključak.**

**Ad. 8.**  
**(Izvještaj o rješavanju upravnih stvari u upravnom**  
**postupku svih općinskih službi za upravu u 2024. godini)**

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izvještaj o rješavanju upravnih stvari u upravnom postupku svih općinskih službi za upravu u 2024. godini.

Nakon izjašnjavanja vijećnika predsjedavajući OV konstatuje da je sa 18 glasova „ZA“ usvojen

*Izveštaj o rješavanju upravnih stvari u upravnom postupku svih općinskih službi za upravu u 2024. godini*

*Ad. 9.*

*(Izveštaj o realizaciji Odluke općinskog fonda za vatrogastvo u 2024. godini)*

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Zdravko Barkić i pomoćnik načelnika za civilnu zaštitu koji je dao odgovor vijećniku na postavljeno pitanje u vezi sredstava koja su ostvarena po Odluci općinskog fonda za vatrogastvo.

Zaključena je rasprava i predsjedavajući OV stavio je na izjašnjavanje Izveštaj o realizaciji Odluke općinskog fonda za vatrogastvo u 2024. godini.

Nakon izjašnjavanja vijećnika predsjedavajući OV konstatuje da je sa 18 glasova „ZA“ usvojen

*Izveštaj o realizaciji Odluke općinskog fonda za vatrogastvo u 2024. godini*

*Ad. 10.*

*(Informacija o stanju opremljenosti Profesionalne vatrogasne jedinice Općine Vareš i DVD na području općine Vareš)*

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

*Informaciju o stanju opremljenosti Profesionalne vatrogasne jedinice Općine Vareš i DVD na području općine Vareš.*

*Ad. 11.*

*(Informacija o ostvarenoj saradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta)*

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nermin Hrvat, Zdravko Barkić, Semir Memić i Rusmir Berberović, rukovodilac službe.

Zaključena je rasprava i predsjedavajući OV konstatuje da je **Vijeće primilo k znanju**

*Informaciju o ostvarenoj saradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta*

**Ad. 12.**  
**(Tekuća pitanja)**

1. Izvještaj o zimskom održavanju lokalnih puteva, ulica, trotoara i stepeništa za mjesec februar, broj: 02/3-506/25 od 14.03.2025. godine. (Vijeću na znanje).
2. Molba za sanaciju dionice seoskog puta u Semizovoj Ponikvi dostavljena od grupe mještana Semizove Ponikve. Molba upućena Općinskom načelniku. Ista je dostavljena na znanje Općinskom Vijeću Vareš, Službi za prostorno uređenje i kompaniji Adriatic Metals BH d.o.o. Vareš.

Vijećnik Dario Dodik je uz dato pojašnjenje izjavio da se hitno treba pristupiti sanaciji klizišta. Pomoćnik načelnika Ermin Musa upoznao je prisutne da su nadležni iz Općine Vareš i predstavnici kompanije Adriatic Metals BH d.o.o. Vareš prije dva mjeseca izašli na teren. Adriatic Metals BH d.o.o. Vareš angažovao je Institut iz Sarajeva koji će dati mjere sanacije. Pomoćnik načelnika Ibrahim Spahić izvijestio je prisutne da je u telefonskom razgovoru (obavljenom prije 4 dana) sa predstavnicima Adriatic Metals BH d.o.o. Vareš dobio informaciju da je projektna dokumentacija završena i da će krenuti u realizaciju saniranja navedenog puta.

3. Vijećnik Nikola Šimić traži od nadležne službe informaciju u vezi saniranja potpornog zida na groblju Stogić.  
Pomoćnik načelnika Ibrahim Spahić izvijestio je prisutne da su sanacije zida na groblju Stogić, potpornog zida u naselju Selište i Vareš Majdan i greblja Glavica ušli u projekat UNDP i da je planirano da se isto realizuje do juna mjeseca tekuće godine.
4. Zapisnik sa održanog sastanka 11.03. 2025. godine u prostorijama Društvenog doma Pržići, broj: 01-72/25 od 11.03. 2025. godine, a u vezi djelovanja kompanije Adriatic Metals BH d.o.o. Vareš, na području mjesnih zajednica Pržići, Daštansko i Mir.  
Predsjedavajući OV izvijestio je prisutne da su mjesne zajednice sa Adriatic Metals BH d.o.o. postigle dogovor za nastavak radova uz definisane obaveze i dužnosti koje su navedene u Protokolu.
5. Poziv Općinskom vijeću od kompanije Adriatic Metals BH d.o.o. Vareš za posjetu postrojenja prerade rude i nastanka koncentrata i jalovišta lokacije Veovača i Tisovci. Posjeta je zakazana za 07.04. 2025. godine.

Predsjedavajući OV je u ime Općinskog vijeća i u svoje lično ime uputio građanima čestitke za nadolazeće vjerske blagdane: Bajram, Uskrs i Vaskrs.

Sjednica je završena u 15.45 sati.

Sastavni dio ovog Zapisnika je audio zapis 5. sjednice OV Vareš.

**SEKRETAR**  
**OPĆINSKOG VIJEĆA**

Mersad Đido



**ZAPISNIČAR**

Azra Pijadžer

**PREDSJEDAVAJUĆI**  
**OPĆINSKOG VIJEĆA**

Malik Rizvanović